


明世說新語

漢書門  
類  
號  
函  
架  
冊  
九  
八  
八  
八  
八

內閣文庫  
漢書  
類  
號  
冊  
架  
函  
三  
八  
一  
九  
八  
八

內閣文庫	
番號	漢 9888
冊數	8 ( 8 )
函號	308 186





皇明世說新語卷之八

雲間李紹文節之甫撰

假譎

袁凱忤太祖詭得風疾上每念曰東海走却大鰻魚  
何處尋得遣使拜為本郡學博凱瞠目熟視使者  
唱月兒高曲使者還奏曰凱誠風矣置之  
國初歐陽都尉挾妓飲酒事覺逮妓急妓擬毀貌以  
往一胥曰上神聖不可欺爾宜靚粧豔服或可免  
耳妓從之比入見上命戮之妓解衣就縛繪綵珍

寶照耀左右。至裸體。膚胸如玉。香聞遠近。上曰。我見猶憐。何況彼奴。卽叱放。

况鍾歷陞蘄州守。初視事。爲木訥。胥持文書。上不問當否。便判。可弊蠹。輒默識之。通判趙忱肆侮。鍾亦唯唯。月餘。一旦命左右具香案。宣勅。中有僚屬不法。徑自挈問之語。于是吏民震慄。

陳諤爲人剛介。然賦性詭譎。嘗直諫。文皇命爲坎瘞之歎。息謂瘞者曰。吾今日乃爲火驚所苦。問其故。則罵之曰。咄嗟汝不知耶。朝廷瘞人。當以瘞令速。

死耳。瘞者如其言。遂得屈伸不死。

錦衣門達摺撫袁彬數十事。下獄拷掠。軍匠楊暄上疏論救。并逮門達逼暄。供李賢主。使暄陽應曰。諾。請會多官。廷鞫我自對衆言之達。遂以聞。命中官會法司官。訊于午門。暄大言曰。死則我死耳。何敢妄指他人。此實門指揮教我扳指也。達失色。

楊榮尊人未遇時。形家謂所居不利後人。若以居傍土地祠爲業。則世世榮顯。乃于風雨之夕。密徹祠中香爐。置于堂。明日鼓吹牲醴。送還祠中。如是者。

再乃謀于衆曰。此必神欲我家爲祠耳。衆推助之。乃以其家爲祠。而移其業于祠址。後生榮爲相。東楊與西楊同事。頗不相能。西楊卒。鄉人訴其子于朝。中官持其奏。欲下撫按。東楊曰。不可使宰相子辱于撫按之手。須錦衣官校提來。實欲辱之也。憲宗不召閣臣。面議機務。彭時等以爲請。諸內臣懼。諸公有言。乃曰。上初召見衆先生。情未浹洽。不宜多言。姑俟再見。可說戒約。至再時等信之。自後更不召見矣。諸太監曰。嘗言不召見。及見無一奇謀。

至論止呼萬歲而已。反見譏誚。

寇深微時。見羣盜分財者。欲執之。乃佯與歎曲。盜喜。亦推一分與之。深謝去。疾走告官。盡獲其盜。乃上書朝廷。盜黨欲殺臣。臣不能居本邑。詔入國子監。韓雍按江西。時有密詔及中官。都御史誤啟其封。懼以咨雍。雍請讎中官解之。明日僞爲封識。藏舊封于懷。俟會閒。令郵卒持以付己。佯不知而啟之。讀數語。卽以舊封還中官。曰。此非吾所當聞。欲杖郵卒謝罪。中官反爲救解。歡笑而散。

劉定之母實劉氏也。其後立祠，故為異制，以諱父之失，乃作一大龕，中懸一軸書云：本宗劉氏門中三代考妣五服親疎神魂席。

王道亨令山陰有齋鈔百緡，臥城南荆樹下者，覺則亡矣。訴于道亨曰：此荆樹為妖也。卽山城按問，民大駭，競從之。令密捕不往者，得一人，訊之果服。宸濠慕唐伯虎書畫，以金幣聘之。伯虎往，覩濠有反狀，乃陽為狂，寧使至箕踞謾罵。至露其穢，濠曰：孰謂唐生賢，直一狂生耳。歸二年，濠反。

王晉溪在本兵，適湖州湯麻九反，巡按以聞。晉溪呼費本人，至部大言曰：湯麻九只須本處數十火夫縛之，何足奏報。賊偵知此語，恣意劫掠，不設隄備。時都御史許延光在浙，查處錢糧，晉溪請密勅許公討之，出賊不意，擒斬無一脫者。

王陽明初見宸濠，佯言舊意，以窺逆謀。宴時李士實在坐，濠言時政缺失，士實曰：世豈無湯武耶。陽明曰：湯武亦須伊呂。濠曰：有湯武，便有伊呂。陽明曰：若有伊呂，何患夷齊，自是始知濠逆謀決矣。

王文成恐逆濠急下南京欲緩其出乃假寫都憲揚公火牌云本院帶領狼達官兵四十八萬齊往江西公幹將發參謀雷濟曰恐彼未必信曰可疑否對曰疑則不免王笑曰得渠一疑彼之大事去矣伍文定與宸濠江中殊死戰忽出一大牌書寧王已擒我軍毋得縱殺賊見之驚擾遂大潰

錢寧有寵于上欲交歡何太復聞持古畫求題何不肯第曰此名畫無汚吾題

王叔承母夏精心奉佛叔承亦奉佛與藜霍并而獨

不能忍酒詭說母曰非酒也佛所謂米汁也亦嗜之母悅為進一觴

山西學憲胡松上禦虜十二策本兵張瓚忌之覆稱松議允當可行乞遷為山西參政自行所言然不委兵政不給儲餉令不得展布俄以不效罷支大綸曰老奸之巧于中人如此

伊王有罪臺使者持之急乃捐十萬金賂炭世蕃古何相嵩罷世蕃遠戍王使旗校二十八至嵩家堂所賂金嵩置酒款曲請以二萬金為謝乃悉出上

所賜金有印識者。與之晨使人報郡曰。有大盜若干人。夜持刀劫賜金去矣。急跡之。可得也。郡發兵追至鄱陽湖。獲之。諸校悉論死。

分宜罷歸。延客席上。能飲者五人。命取大杯。其子進。二燒金磁爵。命更添。答曰。無矣。乃出常瓦爵。觴客。後其子誅。公涕泣。及閱抄沒案籍。北面稽首曰。臣負陛下矣。不復哭。

虜將陷石州城。州人某自焚其臨街房。併宅內數間。虜以爲經掠過者。竟不入。

世廟雖靜攝。好鉤察外事。獄中一語。動錄以聞。謂之監帖。守者詭語。進帖云。有鵲當沈東。前噪不休。束曰。豈有喜及罪人者耶。上竟信。有旨釋歸。

曾銑督一邊。日忽虜衆薄城。曾令偃旗息鼓。當門設木架。架上立金眼。回回舞不自己。虜擁視門外。入畜紛亂。亡何。回回架上。將軍砲發。觀者俱成齏粉。黜免。

危素仕元。爲學士承旨。高皇雅聞其名。仍爲弘文館學士。一日上御東閣。側室靜坐。危素至。履聲徹簾。

明世宗新詩 卷之八 五  
內詔問爲誰對曰老臣危素上曰朕將謂是文天祥遂謫居和州

高廟禮徵老儒錢宰修纂尚書宰微吟曰四鼓齧齧起著衣午門朝見尚嫌遲何時得遂田園樂睡到人閒飯熟時察者以聞明日上曰昨日好詩然曷嘗嫌汝何不用曼字宰愧謝未幾遣還

憲廟升遐內監於宮中得疏一小篋皆房中術也悉署曰臣安進蓋萬閣老所進者孝宗遣懷恩袖至閣下曰是豈夫臣所爲乎復令懷恩將科道論劾

疏示安每展一卷安卽跪泣猶無去意恩令摘其所懸牙牌曰請出矣始惶遽歸第

嘉興舉子桑悅恃才放曠文辭恠誕爲仁文莊所黜識者謂文莊之黜桑悅無異歐陽修之黜劉幾

吳苑菴爲吏侍時蘓州太守朝覲往見苑菴首問曰沈石田先生近來何如太守茫無所對苑菴曰大守一郡之主郡有賢者尚不能知餘何足問

張春與徐有貞同爲石亨所擯相得歡甚張有詩云雙親路隔三千里五品官糜二十年徐見之曰吾



心事君已盡言矣。

鄭淡泉云。近時部屬科道。但改入翰林及官僚者。十萬指摘。十無一完。卽有才行出群之士。亦深避峻。却惟恐一旦改官。徒增衆口。

尚書石璞。鄉人有爲典史者。璞往其家。陳列銀器金杯十餘。問曰。汝宦幾年矣。曰。未滿考也。曰。胡歸乎。曰。刁民訟我貪奪職。璞曰。嗟夫。使我治汝。汝焉能還鄉里哉。

世廟見鱗行地。問何物。左右以鱗對。取看。背有字曰。桂萼張璠。跡其故。乃大監崔文所書。謂二人橫行也。文謫南京。

儉嗇

成祖渡江。解縉胡廣楊士奇周是修。約同死難。解使入覘。胡動靜。見胡方問家人。飼猪否。解笑曰。一猪尚不肯捨。况肯捨性命乎。

桃源楊褫位。罔鄉冬閒。各衙門送鄉紳。曆日。積至千本。乃分給住房。諸賈來歲徵酒徵肉。親友招飲。其看卓餅錠。必收曰。分給兒媳。可抵饗殮。

明世宗新詩 卷之八  
太監張永用事。欲矯劉瑾奢侈之弊。以窮苦魚菜四字為題。李東陽楊廷和。各作詩以獻。東陽為窮字詩。折點畫為句。極工巧。永大悅。刊印傳之。未幾流賊殘毒中原。人以為窮苦之應。

吳康齋遊武夷。過逆旅。索宿錢。至多三文。堅不與。或勸之曰。即此便是暴殄天物。

李西涯。冬月不爐。披冊操觚。不勝其慄。輒就日暴之。日移亦移。

胡宗憲督浙。宴織造中貴。及李相國子。元女伎二百。

侍飲至暮。胡睨中貴曰。天子法錦。皆在公手。遂之。纏頭耶。中貴袖五金為賞。胡哂之。李僅賞一金。胡大笑曰。相公子齷齪。乃爾。擲諸水。而代之賞。

穆宗升遐。畱都國喪畢。侍郎某者遣役從京師回。欲犒賞之。乃出白紗帽。曰。此亦難得之物。可將去。

汰侈

尚書金濂。寧陽侯陳懋。征鄧茂。七道經廣東某村。見居民以鍊為墻。問之。知為鐵墻。陳金二公入其家。盛饌相款。犒軍牛酒皆徧。其堂以文木為柱。白金

為磚礮玉為四龍承其梁。几案栝椽亦加金玉。服玩極天下之巧。以鉅萬計。且藏甲兵壯士千人。訪盜賊。金公惡其僭。奏籍其貲。法書名畫。至不可盡。但揭絹素而已。有司鎔其墻。數月始盡。

吳人錢擘園池之勝。甲于江南。嘗築亭池。中亭皆四空。嫌日色蒸照。則取大方舟。實以土。上種名花。作高屏。視日所至。牽而障焉。

太監李廣以左道見寵。及死。上意其所藏。必有奇方祕書。搜其家。得紬賄簿籍一帙。中云。其送黃米幾

百石。其送白米幾千石。通計數百萬石。上詢左右。廣所食幾何。乃受許多米。對曰。黃米即金。白米即銀。始悟廣賍溢。

王振貪婪無厭。當朝覲日。大開其門。郡邑庶職。能具禮者。無不進見。以百金為尋常。重至千金者。始得一醉飽而出。

王文恪之子延喆。性奢豪。治大第。多蓄伎妾子女。出從群奴數十。皆華服盛裝。珠玉寶玩。尊彝寶器。法書名畫。價值數十萬。元夕宴客席。必懸一珍珠燈。

飲皆古玉杯。恒日歸。肩輿至中門。門啟則健婦昇之。美妾列坐。二十餘人。各挾二侍女。群飲至醉。有所屬意。則憑其肩。聲樂前引。入室復酣飲。乃寢。王維楨偶過何中丞棟。值其生辰將宴客。留王飯。且曰。能少留以待諸公之集乎。顧視兩廊。綠牕朱戶。坐而理絲調竹者。皆家姬。外舍僮綠者。二十餘人。皆徵妓。王托故而出。然未嘗不心羨其樂。

王廷陳謂某曰。君結侶張筵。虛左爲敬。崇榭曲房。綺席屢改。伎倆雜陳。絲肉競奏。宮徵暗移。義和旣逝。蘭膏嗣輝。逸興狎恣。于霄薄雲。禮廢罰弛。履遺纓絕。俠氣溢于四座。餘歡庇于胥輿。斯貴人靡麗之極娛。非寒客迂儒之所希也。

胡宗憲督浙。值迎春。張宴召客。選女伎二百侍飲。每十人。則以佳者一人領之。使捧酒炙。樂器之屬。務不設几案。亦無他執役者。歌呼譁褻。至暮張燈。火數里。鼓吹絲竹震天。女伎夾道跪送。傳呼不絕。張泰岳邸第後。一池廣十餘畝。種蓮不甚茂。錦衣諸大帥。合釀實蓮花千餘盆。賂守池者。值張入朝而

布之朝退請觀蓮花張領之爲一舉觴

王世貞曰嚴世蕃當籍有金絲幃金溺器金鑲象牙觸器執政恐駭上聽令銷之以金數報

忿狷

陳都憲智性剛而躁嘗坐堂偶有蠅拂其面卽怒叱從者擒挈從者紛然東奔西突爲遂捕狀以頃俟其怒解稟問挈何人乃叱之曰是蠅有相知者以寬緩爲勸卽置一木簡書戒暴怒三字于上以自警及有觸忤者輒舉木簡撻之

長洲士人繆讓以懷挾爲府尹顧佐所辱次舉讓爲解元顧公慙慰諭之後公長內臺讓爲御史復謝曰昔年之怨幸勿介懷讓厲聲曰今日讓苟有罪公宜正讓公有失讓亦當言奚以舊怨爲辭

英廟愛韓雍之才被命領邊陲辭上微恙臥便殿特召至榻前囑以邊事其眷寵至此雍失意家居不樂嘗曰英廟若在吾豈淪沒至是耶

岳正性不能容人或曰不聞宰相腹中撐舟乎公曰順撐來可容使縱橫來安容得耶

于諫當國有不如意。輒拊膺曰。此一腔血。竟灑何地。高穀夫人悍妬。無出置一妾。又禁穀不容入寢。偶聞陳循酌。談及此。夫人于屏後聞之。卽出詬循。掀案作怒。以一捧撲夫人。仆地。因數之曰。汝無子。又不容妾。是欲絕高氏後也。吾當奏聞。置汝于法。自是妬少衰。高得御妾。生一子。啞。陸容稱之曰。生啞。陳公一怒之力也。

張翼性嫉惡。御史按吳中。不律。翼忿忿不平。因建白數事。爲衆所傾。謫開平。宥還。偶聞後御史之不律。

者。翼猶瞑目罵曰。使得一碗凉水。已吞之矣。

景泰閒。京師隆福寺落成。縱民入觀。忽一回回持斧上殿。殺僧二人。傷者二三人。執送法司。鞫問云。寺中新作寶藏。其下推轉者。皆刻我教門人像。憫其經年推運勞苦。是以仇而殺之。無他故也。

康海罷官。自隱聲酒。時楊侍郎廷儀。少師廷和。弟以使事過康。康置酒至醉。自彈琵琶。唱新詞爲壽。楊謂家兄居恆相念。君但得一書。吾當爲君地。康大怒罵曰。若伶人我耶。手琵琶擊之。楊走免。康遂

入口咄咄蜀子更不復見

屠長卿下第其族司馬公惜之酒酣擊節曰吾將上

叩九關則虎豹禁不得前將浩浩決東海而西逝

也排崑崙而東走也將捫日月令其轆轤然東西

馳也余然後為生抒煩懣乎

江南某相國語所親曰酒色財氣不意近萃吾門或

請其故曰大兒好飲次兒好貨三兒好色老人言

不聽惟有怒氣填胸而已

李于鱗按察關中過許中丞宗勸許問今天下名能

詩何人于鱗云王元美次宗子相許請于相詩觀

王之于鱗勃然曰夜來火燒却矣

秦廷善性慙恠每閱史至不平事必拊案切齒偶觀

秦檜殺岳飛大怒且罵且拍其妻勸之曰家惟十

几已碎其八奈何復爾秦乘忿叱其妻曰不良婦

汝與秦檜通姦故相為至此痛撻之

讒險

魏觀守蕪欲復府治兼疏濬城中河御史張度劾公

與滅王之基開敗國之河蓋以舊治先為為周所

據臥龍街西卽舊所據錦帆涇也

洪武開科取士嚮意右文諸勳臣不平進曰此輩善

譏訕且如張九四厚禮文儒及請其名則曰士誠

孟子有士誠小人也之句彼安知之上由是覽天

下所進表箋罹禍者衆

黃淮好詆毀同列一日便殿未入侍宣廟問淮何在

東楊對曰淮素病瘵瘵能染人有旨免奏對

王振欲弄權畏太后不敢顯譖閣下會閩臬廖謨杖

死驛丞東楊欲坐償命西楊欲擬因公請裁于太

后王振因進曰二楊皆私也償命過重因公過輕

宜對品降調竟從之

英廟命修撰岳正入閣石亨張軌遇之左順門愕然

比入見上曰今內閣朕自訪得一人亨軌請爲誰

上曰岳正但官小耳因奏曰欲陞正甚易姑試之

未晚亨軌以事非已出故撓之耳

或告李文達曰業盛自負其文嘗嘗公文未善賢聽

之未幾以韓雍代盛勅曰無若業盛之殺降也

戴文進畫本朝第一宣宗朝進秋江獨釣圖畫一紅



衣者垂釣水次。畫家惟紅最難著。文進獨得古法。入妙。同事者忌之。奏曰：此畫甚好。獨恨鄙野。上扣之。乃曰：紅是朝廷品官服色。穿此釣魚。甚失大體。上卽揮去。

徐有貞以迎復功。進閣坐。陳循諸公不軌。榜示天下。且私報商文毅曰：我無奈何。只得置足下于末矣。徐有貞寵幸。宮中未務。上必咨之。曹石欲傾其權。常令小豎伏御溝竊聽。備書其語于冊。上嘗欲立舊宮人爲妃。有貞力言不可。小豎以報。曹石達于太

后。曰：有貞誇于外。舉朝皆知之。太后因謂上曰：南人輕薄。宮人事彼亦自詫于外。帝乃以爲賢耶。上默然。有貞遂得罪。

英廟有意江南買辦。徐有貞度不可言。將入對。謂學士薛瑄曰：予若多言。恐忤上意。若度稍可。從後觸止之。瑄以爲信然。語半伺其後。有貞卽大聲曰：薛瑄欲有所言。上問言何事。瑄倉卒無所對。卽以江南買辦一事言之。上不悅。

于謙爲本兵。馮其屬王偉。爲本部侍郎。偉每伺公過。

誤密奏。一日景帝召謙。授以偉奏。謙出。偉下堂迎。問曰。今日聖諭某事。謙笑曰。某有失處。賢弟面言。未敢不從。曷忍至此。出奏示偉。局踏無地。楊廷和劉忠。陞南亞卿。忠曰。此行別劉瑾否。廷和曰。不可。人知必以我輩交瑾矣。忠然之。廷和密以錦幣辭瑾。瑾曰。劉先生不足我耶。遂厚廷和而疎忠。都御史彭澤嘗憤朱寧曰。吾恨不手刃此奴。司馬王瓊語寧且曰。爲君致彼。君私察之。乃匿寧屏後。澤過瓊。瓊激怒。澤復大罵寧。寧啗之。

陽明平逆濠。赴召。至上新河。爲諸幸讒阻。不得見上。中夜默坐。見水波拍岸。汨汨有聲。思曰。以一身蒙謗。死卽死耳。如老親何。又曰。此時若有一孔可竊。負而逃。終身長往不悔矣。

世宗怒曾銑議復河套。開邊釁。欲誅之。實無殺夏言意也。會嚴嵩與言不相能。遂授仇鸞意。令以復套事論銑。賄言竟以交結近侍官員律俱論死。

世宗末年。西苑造新閣。督工尚書趙文華應之。緩。上一日登高望西長安街。有高薨。問曰。誰氏第也。一

璫曰趙尚書新宅一璫曰工部木半作文華宅渠亦何暇為上新閣上恨之尋逐文華

世廟以上柱國加夏言言受之乃加嵩嵩辭曰人臣無上臣不敢當蓋陰以攻言之僭也

徐存齋致政歸值誕日顧中翰善畫窮一月之力繪

一圖贈之題曰泰山喬木懸之中堂有譖者曰得

非泰山梁木耶徐即撤去

尤悔

永樂間西番進一僧言通徹三教九流堪為中國帝

師上曰豈無一人當其學者左右以僧德琮薦為丞

召至各坐高几辨對胡僧談吐出入九經滔滔如

注水琮訥于應對有頃第問胡僧諦字之義應之

頗遲琮乃大聲訓解反覆數千言曰此而不知焉

用稱學胡僧羞恚合掌頂禮曰中國有人辭去

尚書王復怒眾武弁罵曰此輩皆狗母所生一千戶

稟曰宋某之母乃太宗皇帝永寧公主王慙悔

周憲王獻戲曲百本于朝宜廟擬賜白金輔臣曰藩

王獻書籍文章當資此今以傳奇獻非親親輔仁

之義也。賜優衣一襲。磁瓜一枚。王大慙悔。

景泰間。命修續通鑑綱目。丁參議宋尚寶。忿詈館中。陳緝熙遽成一詩。末云。不知班馬韓歐輩。曾爲修書開幾場。明日二人悔。謝曰。毋更貽斯文笑也。景泰間。選內侍七人于文華門。廉讀書習字。欲取翰林二人教之。時太監王忱舒良。以嘗從錢溥學。示意。錢不悟。曰。萬千好處。不肯玉成。今又何以見屬耶。內閣遂推呂逢原倪克讓以進。不踰月。俱陞侍讀學士。時被顧問。賞資優渥。錢始大悔。

劉球與鍾同之父。同館相善。約同上親政。攬權封事。鍾爲妻泣勸。乃止。劉遂獨舉。死于獄。未數日。鍾病死。妻悔之。每號。輒曰。早知曷若與劉侍講同死耶。太學生虎臣上疏。諫萬歲山勿架棕棚。憲廟奇之。祭酒費閻不知也。懼賈禍。乃會六堂。鳴鼓聲罪。鐵索鎖頂。以待。俄官校宜臣至左順門。傳溫旨。勞之曰。爾言是。棕棚卽折却矣。閻聞大慚。章懋爲祭酒。有監生請假。托言新粒不至。將往求之。公愕然曰。薪水之資。付托有失。柰何。憂形于色。生

明世說新語 卷之八  
悔曰。公待我以誠。我何給之。其實謝罪。  
梁孟敬號石門。一士人筮仕得巖邑。謁梁請教。梁曰。  
清慎勤。乃居官三字符也。士人退曰。議論平平耳。  
越三年。竟以不檢罷歸。曰。吾不敢復見石門先生。  
楊循吉善詞。老且貧。嘗識伶臧賢。為上幸愛。薦之上。  
詔起。有所游燕。令循吉應制。為新聲。稱旨。然賞無  
異。伶伍間謂曰。若嫻樂。能為伶長乎。循吉愧悔。  
宸濠將反。婁妃泣諫。不聽。既就擒。檻車北上。與監狎  
官言往事。即痛哭曰。紂用婦言。亡天下。我不用婦

言亡家國悔之何及

劉瑾引用鄉人。恐眾論不服。以劉璣為人望。欲引為  
重。不數載。自知府擢至大司徒。璣自以為瑾所引。  
居常鬱鬱。日飲酒自廢。瑾欲與言。輒醉不對。  
魏水洲曰。張羅峰為相。當大察事。竣檢篋中。僅得萬  
四疋。余居諫院。三疏糾之。嗟嗟。此余少年事。以今  
日時事觀之。即三薦其賢。亦不為過。  
李于鱗語王元美曰。天下無無偶者。有仲尼。必有左  
丘明。王不荅。以目攝之。李遽曰。吾誤矣。有仲尼。必

有老聃耳。

紕漏

文廟過江。廷臣約同死。難已俱負約。獨紀善周。是修自縊。後解縉爲墓誌。楊士奇爲傳。謂其子曰。使我與汝父同死。今誰爲作傳。

宜廟命陳循作御製壽域星贊落句云。宜壽域兮同升。南楊欲易壽域二字。未就。遂進之。中官問西楊曰。壽域二字如何。荅曰。八荒開壽域。中官還詰南楊曰。八荒開壽域。此詩何如。荅曰。好詩。中官曰。先指

壽域爲未當何也。南楊默然。

程敏政幼以奇童稱。英宗抱之膝。指金猊曰。以賜若。敏政趨下叩頭。英宗曰。是子終以貨敗。

太監懷恩得賜金二錠。轉奉錢溥。溥忻然受之。曰。當與房下作首飾。常常頂戴。太監。

尹旻偕卿貳欲詣汪直。屬王越爲介。私問跪否。越曰。安有六卿跪人者乎。越先入。旻陰伺。越跪白叩頭。及旻等入。皆跪。越尤旻。旻曰。吾見人跪。時效之耳。劉主靜見鬻書者。有崔氏春秋。曰。常見呂氏春秋。不

知崔氏亦有春秋急令人往易乃西廂記笑斥之  
景帝時有上言竊盜者黥刺不足懲艾自今犯者宜  
立綽楔于門扁曰竊盜之家庶幾有警  
陳太常音有文行而性恍惚多誤嘗考滿誤入戶部  
見入稅銀者驚曰賄賂公行至此已極  
天順間錦衣門達得上寵桂廷珪為達門客私其圖  
書云錦衣西席後有甘棠為江洗馬之壻仕松陵  
驛丞亦圖書云翰林東床時傳為的對  
劉髦二子俱登進士長子婦入京公送登舟以手援

之郡守見而笑公曰府公笑我乎若跌入水尤可  
笑也次婦入京公時臥疾呼之床前曰老羊頭風  
可買一帕寄回明且登程諸親畢會忽呼子婦曰  
毋忘昨夜枕上之囑眾駭然問其故乃始撫掌  
李文正嘗得良馬贈陳愧齋公騎入朝歸至門成詩  
二章恠而還其馬文正問故公曰吾舊所乘馬朝  
回必成六詩方至門此馬止二詩耳非良也文正  
笑曰馬以善走為良此固非良耶

葉盛任兵科應詔舉將官有以陳旺告者正統中尚

書黃福薦之不果用。今猶在陝中也。盛躍然薦于朝曰：福名臣所薦，必佳士。後旺以賊敗，訊之人曰：旺不為黃尚書所容，薦者乃他尚書耳。

成化間，一御史建言：順適物情云。近京地方行役車輻，驟驢相雜，驟性快力強，驢性緩力小。今並一處驅馳，物情不便。乞要分別改正。弘治初，一給事建言：處置軍國事云。京中士人好著馬尾，襯循。因此官馬被人偷拔鬃尾，有誤軍國大計。乞要禁革。嘉靖初，一員外建言：崇節儉，以變風俗。專論各處茶

食舖店所造，看棹糖餅。大者省功而費料，小者料小而費功。乞要擘畫定式。功料之間，務在減省。使風俗歸厚，肉食謀國。乃有此輩，可發一嘆。

黃才伯好講學，嘗作詩有倦游却憶少年事，笑擁如花歌落梅。自註云：欲盡理還之喻。

劉瑾欲害楊一清，頓李東陽力收深德之。東陽病劇，以謚為憂。一清等就問曰：國朝文臣未有謚文正。若請以謚公可乎？東陽頓首曰：荷諸公矣。

逆瑾竊政，放逐言官數十人。任御史者自想諸僚上



明世說新語 卷之八  
奏時署其名。彼實他出錦衣牟斌曰。古人恥不與黨人。公爲忠乃悔耶。

劉太常介。繼娶美豔。冢宰張綵欲奪之。乃問介曰。我有所求。肯從我。始言之。介曰。一身之外。皆可奉公。綵曰。我所求者新嫂也。敢謝諾。火頃強與歸矣。

陳獻章入內室。必請命于太夫人。曰。獻章求嗣。常熟周木嘗朝叩父寢室。父問誰。曰。周木問安。父不應。頃之。又往曰。周木問安。父怒起叱之曰。老人酣寢。何用問爲。時人取以爲對。曰。周木問安。獻章求嗣。

劉生好誇詡。嘗往弔錫山鄒氏。客叩之曰。公來何暮。生曰。昨泊舟。不意與顧狀元相值。延入彼舟。聯句。夜半得息。是以寢耳。頃之。顧九和至。生不識。遽問先生何姓。客曰。此卽夜來聯句者。生亦不慙。

屈中丞總浙憲。歸安令坐事。懷三百金。求解。公叱之。按治愈急。會以遷去。解後。公在淮漕。令以御史過淮。執屬吏禮甚恭。公宴酣。忘其人。爲言平生無毫髮過處。嘗斥一縣令。金至今耿耿不忘。御史色沮。高郵學正夏有文。弘治末。獻書闕下。曰。萬世保豐永。

明世說新語 卷之六  
亨管見上嘉之更管見二字曰策夏遂書官衙云  
獻萬世保豐永亨管見天子改爲策字高郵州學  
正夏有文

建寧雷長史古朴而不慧冬月見魚桶中井水有氣  
問是何氣客戲曰天寒以百沸湯養魚則不死雷  
曰吾乃知熱水之可養魚也

鄒智以四川榜首至京候萬安閣老問當世人物萬  
以其省榜首告之隨問貴省牌坊銀榜首視平中  
舉人有厚薄否鄒大失望卽托頭疼謝去

湛甘泉在南都講學其門生甚多後爲宗伯揚州儀  
真大鹽商亦皆從學甘泉呼爲行窩中門生  
某郡守禁戴帽不得露綱巾吏草榜云前不露邊後  
不露圈守曰公文貴簡何作偶語吏白當如何守  
曰前後不露邊圈不覺自笑

湖州吳主事家素饒求西涯文壽其父時公爲學士  
鄙其人。不許。吳問其友曰。今朝中爵位極尊者爲  
誰。曰。英國公。大師左柱國也。吳卽緘幣求英公。英  
令門館作詩與之。吳得詩誇于人云。英國當朝第

一人乃爲我作詩何必李學士也

沈周作五馬行春圖贈蘓守守怒曰我豈無一人相隨耶沈知另寫隨從者送入因戲之曰柰絹短少畫前臨守曰今亦足矣

豐禮部坊嘗要沈明臣結忘年交歲餘人或惡之曰是嘗笑公文者卽大怒設醮詛之上帝凡三等云在世者宜逮捕之死者下無間地獄勿令得人身一等皆公卿大夫與有睚眦者二等文士或布衣沈爲首三等則鼠蠅蚤虱蚊也

王相國荆石宅憂某縣令作祭文稱相國爲元聖封公爲啟聖夫子王却之

王元美云余舊聞正德中一大臣投刺劉瑾云門下小厮嘉靖中一儀部郎謁翊國公云渺渺小學生今復有恠誕不經者一自稱不佞至通家不佞年家不佞治下不佞眷不佞一自稱牛馬走亦曰治下牛馬走至曰湖海生形浪生神交小子未面門生沐恩小的皆可嘔噦不堪捧腹

張江陵當國附勢者競趨其門江陵敗衆亟攻之以

覲殊擢大倉相公曰生江陵市與死江陵市等耳  
 高拱新鄭人忤首相順天主考即以放鄭聲遠侮人  
 為題支大綸曰不知高再出時兩人何施顏面  
 江陵久疾京師文武俱設醮祝釐有再舉三舉者一  
 中丞誇于人曰三舉而吾與者三今膝腫矣

惑溺

國初楊憲欲擅權乃創為一統山河花押示僚吏觀  
 其從違凡附已者不次超擢否者斥之陳桎入謁  
 憲以押示之桎即賀曰押字大貴所謂只有天在

上更無山與齊者憲大喜奏桎為翰林侍書

楊文貞子稷惡狀已盈王文端為文貞言之遂請省  
 摹以欲制其子也稷知每驛遞中先置所親譽稷  
 賢復颺言曰人忌公功名之盛故謗稷耳稷復迎  
 于數百里外氈帽油靴朴訥循理家中圖書蕭然  
 文貞遂疑文端妬已還京即出之吏部

劉壽家馬捷于犬犬大于馬婦作男裝男作婦裝  
 太監劉瑯嘗建玉皇閣于私第延方士煉丹方士知  
 守備奪人玉縑環值百鎰乃緝之曰玉皇好繫玉

縹環守備卽出之亡何方士并丹鼎竊之而逃有  
 滑稽者作詩刺之云堆金積玉已如山又向仙門  
 學煉丹空裏得來空裏去玉皇原不繫縹環  
 廬江縣有監司某者謝事歸延方士煉丹敬信之其  
 夫人戲之曰丹成何以謝方士監司曰渠自能點  
 化不須謝夫人曰何獨以丹法傳君監司曰渠謂  
 我有仙風道骨夫人曰君垂涎點化志在貪財妾  
 未聞蓬萊三島乃有貪財神仙未幾方士竊丹鼎  
 去夫人又戲之曰夜來丹士赴蟠桃會未知其騎

黃鶴耶監司默然長吁而已

李文達云予少見掛佛老像者卽斥其非以爲名公  
 必不如此後居驗封造冢宰宅見正寢東巖整一  
 室問之曰佛堂也方駭嘆已而見石首先生堂中  
 高掛一幅乃觀音像不覺失笑

石彪克遊擊巡邊知都督張泰家有一古瓶索之不  
 獲百方窘泰其子告泰曰彼時人何可拒瓶所直  
 僅百金耳泰艷然曰爾非張泰子矣吾豈吝百金  
 顧此瓶祖宗所貽豈可自我爲權貴天之卒弗與

羅玘爲文率奇古險恠居金陵時每有撰造必棲踞  
喬木之巔霞思天想或時閉坐一室客于隙間窺  
見其容色枯槁有死人氣皆緩履出都穆乞伊考  
誌銘銘成語穆曰我爲此銘瞑去四五度矣  
李西涯耽奕何燕泉勸之李曰將何消日何曰詞翰  
兼美足娛日力後西涯偶在碁酒間當道以巨軸  
乞詞翰乃太書云莫將性命作人情寫字吟詩總  
害生惟有圍棋堪遣興客來時復兩三枰  
張廷采聞王叔明泰山密雪圖在陳惟允家往觀之

臥其下兩日不去曰斯世不復有此筆也

歐陽必進分宜兒女親也素爲上所厭惡家宰缺嚴  
示意會推必進上大怒擲之地嚴乃上密啟內云  
臣老矣恃此人得政而快上不獲已從之時張九  
一爲吏部郎吐舌曰嚴乃與人主爭強王介甫不  
足道也

趙文華以平倭功賞薄移疾請歸帝怒曰止封限內  
乃敢稱病司禮監試覘之真耶爲耶及小內監往  
文華箕踞暢飲內監曰上令我來視疾云何

明世宗 卷之八  
文華乃狎而戲之曰吾第飲酒耳何疾

歛人蘓丑性愛古法書名畫不惜萬金購之曰此足  
養心性非他玩好可比

張元禎語陸深曰予自少登朝見士夫凡三變初講  
政事後講文章今則專講命矣

嚴高溺愛其子諸曹以事白初尚曰與小兒語至後  
曰與東樓語東樓世蕃別號也

許莊敏曰官朝廷物也來若被衣去若解帶豈吾支  
體若乎近見士夫因失官憤懣而死亦惑矣

穆宗在裕邸邸中例有給于常祿外三歲戶部弗敢  
請用甚窘謀之承奉乃以千金賂嚴世蕃忻然受  
之命戶部即予三歲如約世蕃每誇于人曰天子  
兒行金于我徐存齋吐舌曰世蕃真膽大千天  
楚中有篤于男色者見一美姬姿態絕倫乃嘆曰可  
惜是婦人耳

### 仇隙

景泰間徐有貞垂涎祭酒上不許意爲于謙所阻深  
恨之天順復辟遂坐謙不軌上槌遂良久有貞且

前曰若不置謙等于死今日之事何名

馮益附曹欽欽反并逮時欽已死惟妻賀氏爲証益故爲自異醜詆賀賀曰馮先生不須多言昔欽問先生古有宦官子弟爲天子者乎先生云曹操乃曹節之後終成大事欽大喜命妾佐酒今何諱之丘文莊少時求婚于上官黎氏黎曰是子欲結姻于我耶不許文莊後作鍾情麗集誣黎女與人通黎亟以三百金囑書坊毀板其本已遍傳矣

歷城尹公素不善尹直禮侍缺他有舉薦上不允以

直爲之翼日廷遇歷城舉笏謝之歷城曰公簡在帝心者自此結怨尤深

襄憲王入朝欲言于上復用徐有貞偶遇李文達從容謂曰李先生辦事辛苦何不召徐先生來相助李對曰若有貞再來便是王安石復相

李夢陽與江西右轄鄭岳言語相激通謀宸濠遂亂岳左右拷掠逼供無名賍私若干奏黜岳爲民時謂夢陽附勢借威逞私誣善遂爲士論不與

張璠等力詆費宏疏四五上攻之弗克乃具奏乞休



言臣等既不能積誠感動聖聽又不能曲意阿附  
權臣有此二罪難復居官

鄭淡泉云方遼志寵任時薦西楊西楊修實錄乃謗  
方叩頭乞餘生西楊薦陳芳洲芳洲嫉人訐西楊  
之子櫻竟死西市芳洲令徐武功更名進用武功  
竟置芳洲于鐵嶺武功為石總兵畫奪門之謀石  
又置武功于金齒近日常嘉貴溪亦頗類此

夏桂洲入相座師陸儼山尚為詹事坐次不便夏欲  
以南禮侍處之陸曰等三品耳何堪侍坐陸卒贈

禮侍夏曰老師生前不屑侍坐三品今竟侍坐矣

皇明世說新語卷之八終

月世說

吾

卷之八

三二

題別世說後




古人云同其趣則相越兄弟不  
同其趣則肝腸胡越田氏萬里  
先生其與予交于此有年以謂  
椒茶也乎然不同其趣者五萬  
里勤之勤之導人容乎軌物  
予也亦之碩之不拘小管第里多

云不倦尚論古人則從以進日  
予也少云不能與人言戰不得  
之則策以易為萬里雨不市  
風不出致之勉之席首墳以藉  
予也好山澤之遊嘯花吟月  
對星不飲酒而能樂予也痛  
飲傷者無人但游于子谷子門

處而法寧而思壽亦其學此唯  
所以回其趣而為指南也日頃聞  
其將明世況金本道錄傷恹國  
字便於童蒙公諸天下嗚呼  
萬里之業可謂不送小物矣昌  
也為跋是其所以回也乎  
寶曆甲戌年灌佛長古于天台

山六岩人看

水波祐昌



Faint vertical text columns, likely bleed-through from the reverse side of the page.

寶曆四年甲戌十一月吉且

書林 京都 萬屋仁右衛門梓行



